



11 Juli 2022
Esekiel 43:13-27



La Lit Si Man Pandangen



Nabi Ezekiel tole nari ndatken pengenehenen, e me kerna batat-batat rumah pertoton. I bas pembangunen batat-atar e enggo itentukan kerina ukuren-ukuren; belangna, ganjangna ras gedangna. Batat-batat e jadi ingan nehken persembahen man Tuhan. Nina Tuhan man Ezekiel, kenca dung batat-batat e ipajekken, tangkuhken alu erbahan sada upacara keagaman. Ituriken Tuhan kai saja si man bahanen i bas acara penangkuhen e. Si pemena, nutung persembahen i datas batat-batat e, janah pirpiri alu dareh asuh-asuhen si ipersembahken e. Si peduaken, suku Lewi, kesusuren Imam Sadok, e nari ngenca banci nehken persembahen e man Tuhan. Keturenen Imam Sadok e nari ngenca la erpandagen i bas mata Tuhan. Sipeteluken, buat sitik dareh lembu nguda si ate ipersembahken e, itamakan i bas tanduk batat-batat bage pe i bas suki-suki batat-batat e, i tengah ras i kerina tepina. Enda me aturen si ilakoken Ezekiel ras bangsa Israel i bas nangkuhken batat-batat e. Nutung persembahen pengalemi dosa enda ilakoken 7 wari dekahna. Teptep wari lit persembahen e me lembu entah kambing si nguda, si lait pandangenna. Kenca dung nutung persembahen e, batat-batat ibersihken alu mirpirken dareh asuh-asuhen e ku teptep bagin batat-batat e. Adi enda ilakokenndu nina Tuhan, 'Meriah ukurku ngidah kam kerina.'

Kai si idah Ezekiel e jadi sada pengajaren man bangsa Israel bage pe man banta si ngogesa, maka batat-batat rumah pertototn arus badia. Si nehken persembahen i datas-batat-batat e pe arus badia. Kita si nehken persembahen e pe arus badia. 7 wari bangsa Israel arus nehken persembahen pengalemi dosa. Angka 7 e nuduhken angka sempurna, Ngakuken dosa ras mindo pengalemi dosa e arus sempurna, tutus, ras alu bulat ukur.

Tuhan si erbahansa kita la erpandangan.



Blank lined writing area with a wavy top edge and a small notch at the bottom right.